

Protiv:

KS, sin K-- i majke H. rođene H, rođen --.1973. godine u Sarajevu, opština Novi Grad, državljanin BiH, po narodnosti Bošnjak, razveden, po zanimanju električar, zaposlen u firmi „U“ d.d. Sarajevo, SSS, nastanjen u Sarajevu u ul. DžB broj --, opština Novi Grad, JMB -- presudom Općinskog suda u Sarajevu od 30.08.2008.godine, osuđivan zbog krivičnog djela nasilje u porodici iz čl. 222. st. 2. u vezi st. 1. KZ FBiH na kaznu zatvora u trajanju od osam mjeseci, uslovno dvije godine,

Činjenični opis djela:

Dana 27.08.2018.godine oko 21,00 sat, u alkoholiziranom stanju, došao u blizinu zgrade u kojoj živi njegova bivša supruga KK, u ul. Ž. ispred broja ---, opština Novo Sarajevo, te pozvao telefonom KK da izađe iz stana, pa kada je ista izašla na ulicu u blizini zgrade, bez povoda i razloga, istu udario više puta rukama u predjelu glave i nogama u predjelu nogu, kojom prilikom joj je nanio lake tjelesne povrede u vidu nagnječine u predjelu glave, lijeve ušne školjke, leđa, obje nadlaktice i obje potkoljenice, nakon čega je KK pobjegla sa lica mjesta, te službenicima policije koji su naišli, ispričala šta joj se dogodilo, da bi u tom momentu naišao KS, te u prisustvu službenika policije KK prijetio riječima: „Vidjećeš ti, ubiću te, pa makar opet išao u zatvor“, nakon čega je od strane službenika policije upozoren na ponašanje, da bi isti nastavio sa prijetnjama upućenim KK, što je izazvalo uznemirenje građana,

dakle, nasiljem prema drugome, grubim vrijeđanjem i osobito drskim i bezobzirnim ponašanjem ugrozio građanski mir, kojom prilikom je jedna osoba lako tjelesno ozlijeđena,

Prijedlog dokaza za glavni pretres:**a) Saslušanje svjedoka:**

- KK, ul..... broj ---, Sarajevo,
- MM, MUP KS II PU.

b) Saslušanje vještaka:

- Dr. XX, stalni sudski vještak medicinske struke,
- Dr. YY, stalni sudski vještak neuropsihijatrijske struke.

c) Čitanje i uvid u:

- Nalaz vještačenja specijaliste sudske medicine dr. XX od 28.09.2018.godine,
- Nalaz i mišljenje vještaka dr. YY od 06.10.2018. godine,
- Nalaz KCU Sarajevo Klinika urgentne medicine na ime KK od 28.08.2018.,
- Alkotest traka na ime KS od 28.08.2018. godine.

d) Uvid u:

- Izvod iz kaznene i operativne evidencije za KS, MUP KS II PU broj 02/4-3-2-KU:000888/10 od 15.09.2018. godine.

ZADATAK:

Samostalno odrediti stvarnu i mjesnu nadležnost; pravnu kvalifikaciju; te ugraditi i sve druge obavezne elemente optužnice.